



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Jesus Passus Per Centuriam  
Modorum Meditandi passionem Salvatoris nostri illustratus; cui  
accesserunt Meditationes In Passionem Domini XLVI. - Juxta numerum  
dierum Quadragesimæ

**Druzbicki, Kaspar**

**Ingolstadii, 1732**

**VD18 90066405**

49. Considerando Passionem Christi, ut collatam cum extremo Judicio  
peccatorum.

**urn:nbn:de:hbz:466:1-45427**

Moriens, sputis scedè illitus, mori Josepho & Nicodemo cum aromatibus tus est.

32. JESUS vivens, ubi caput reclinat habuit.

Moriens, inclinato, seu pendulo caput inclinavit, & alieno in sepulchro conditus est.

Hunc in modum omnia ferè opera, cepta, consilia, miraculaque Christi possunt alicui parti passionis Christi, vel rando, vel contraponendo, conferri: in speciem attulisse sufficet.

## MODUS XLIX

**Q**uadragesimus nonus Passionem meditandi modus esse potest, cum illam cum iudicio, quod Christus cum manu genere exercebit in fine Mundi, reddet unicuique secundum opera sua.

Est autem advertendum, constare scripturis Sacris, ac potissimum ex ipsius Domini sensu, atque verbis, Passionem quoddam Iudicium fuisse: non illud quo ipse ab impiis iniquè iudicatus & crucifigatus est, sed etiam illud, quod ipse partim in passione exercuit, partim quod in mundi fine exerciturus est. Factum à se iudicium in fine mundi, nunc princeps huius mundi eijciat. *Ioan. 12. 31.* Mundus ergo & mundi princeps diaboli in passione Christi, à Christo iudicatus, damnatus, & eijciendus foras, triumphatus, spoliatus, tradendus iniquam Tyrannicamque potestate, & captus



exutus est. Porrò exercendi olim à se iudicii in omnes homines, luculentam Dominus prædictionem denuntiationemque fecit apud universum Concilium, & coram summo Pontifice Caiapha, à quo cum esset adjuratus, ut diceret essetne Filius Dei & Christus? ita respondit. *Tu dixisti.* *Matt. 26.64.*  
*Ego sum: verumtamen dico vobis, amodo videbitis filium hominis sedentem à dextris virtutis Dei, & venientem in nubibus Celi:* Quod ipsum iterum posterâ luce in eodem confesso iudicium & Principum, Doctorumque repetens, confirmavit. Causa verò, propter quam ita Christus cum Passione sua iudiciariam simul suam potestatem actumque ejus, à se exercendam coherere vel voluerit, vel ostenderit: sine dubio partim illa est una, quia Passione suâ, quam ex iniquissimo Judæorum & Gentilium iudicio decretoque sustinuit, iudiciariam Potestatem Majestatemque sibi merebatur, juxta illud Prophetæ dictum. *Causa tua quasi impii iudicata est, causam iudiciumque recipies.* partim etiam illa altera, quia Passio Christi, revera quædam imago & delineatio viva luculentaque fuit eorum omnium, quæ in iudicio Christi extremo cum peccatoribus fient. Ad quod nescio an non planè respexerit Dominus Iesus, in illis verbis, quæ mulieribus super te lamentantibus atque plorantibus dixit. *Filia Jerusalem nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beata steriles, & ventres qui non genuerunt, & ubera quæ non lactaverunt. Tunc incipient dicere montibus: cadite super nos: & collibus, operite nos. Quia si in virili ligno hæc faciunt, in arido quid fiet? Quæ Domini sententia,*

ac

G. Druz:  
 Bicki  
 per: cæcæ:  
 Tomus III  
 N: V  
 58



ac prædictio, etsi respicere videatur vastationemque Jerosolymæ, quæ post mortem Domini, quadragesimo anno facta est, tamen etiam respexit judicium ultimatam Babylonis, seu Reipublicæ impiorum: cujus figura fuit Jerosolymæ devastatio, per Romanos. Maxime autem hoc evincit illa Domini patheticæ, & comparatio, & interrogatio clamatio. [Quia si in viridi ligno hæc in arido quid fiet?] Hic enim Dominus in viride, ligno arido, factis in viridi ligno in arido confert; & à minori ad majus indubitatè miserabiliora eventura in ligno arido, id est cuilibet impio, quam in viride, aut quandoquidem tam miserabiliora sent ligno viridi, & fructifero, ipsi Christo.

His ita declaratis, Meditatio instituitur per comparisonem viridis ligni cum arido, & gestorum in viridi cum gerendis in arido. Cujus collationis aliquantulam speciem loco exhibeo.

I. JESUS venditus est & traditus in manus peccatorum.

Unusquisque peccator & omnis peccatorum venundabitur infelix: & traditus erit à dextris cujuslibet, & jam extunc dicitur tenebrarum.

*Luc. 22. 55.*

II. JESUS factus est tristis usque ad mortem, & sudavit etiam sanguinem,

Sudabit etiam omnis turba peccatorum: & præ angustia Spiritus gemet,



ejus Animæ tristitia usque ad mortem sine morte. Arescentibus nimirum hominibus præ timore & expectatione, Si justus vix salvabitur, impius & peccator ubi parebunt?

III. JESUS captus est & vinculis ligatus tanquam latro, &c.

Omnes peccatores terræ, ligati vinculis & compedibus peccatorum suorum, non tantum in animabus, sed etiam in corporibus, separabuntur tanquam hædi ab ovibus, & à sinistris collocabuntur.

IV. JESUS accusatus, examinatus, reus mortis judicatus est.

In Judicio peccatorum, aperientur libri conscientiarum. Omnes enim nos manifestari oportet ante tribunal Christi, ut recipiat unusquisque propria corporis, sive bonum, sive malum. Tunc erit conscientia impii quasi mille accusatores, & quasi mille testes, tunc nemo respondet Judici Christo unum pro mille: tunc Judex arguet, & statuet unumquemque contra faciem ejus.

V. JESUS ad flagella nudatus, & flagellis cæsus est.

Stabit & quilibet peccator in oculis totius Cæli, & Terræ, nudus, tam animâ, quam corpore, & dicetur de eo. Ecce Homo & opera ejus, & operiet confusio faciem illius, & flagellum peccatoris veniet super eum, nunquam per omnem æternitatem recessurum ab eo.

VI. JESUS coronatus, illusus consputus est, & cum voce *Ecce Homo* monstratus est.

Coronabitur caput omnis peccatoris, spiculis peccatorum suorum, & sicut diploidem induet

G. Druze  
Bicki  
per: accet  
Tomus III  
N: V  
58



duet confusionem, & illudet ei omnis creatura, armabiturque contra eum à quo servire sibi compulsa fuit ad malum. Tunc omnia solatia hujus vitæ, vertentur in spinas, tunc spes omnes, in cassam arundinem convertentur: tunc dicitur de peccatore Tyrannus & Captivator ejus diabolus *Ecce Homo*, & scelera ejus: tunc a planta pedis ad usque verticem supergressas eum iniquitates ostendet, dicens & amare improperius, per singula scelera, *Ecce Homo* ille, qui pro eo quòd Deum factorem & salvatorem suum colere debuit & amare, me suum & Dei hostem amavit, mihi que ad voluntatem meam servivit. *Ecce Homo* ille, qui Christum Dei Filium Hominem pro se factum atque crucifixum ostentui habuit & crucifixit. *Ecce Homo* ille, qui Dei & Christi legem noverat, beneficia acceperat, tot auxilia salutis, tanta pœnitentiæ spatia habuerat, par tamen gentilibus, immo peior gentilibus vixit. *Ecce Homo*, qui annos vitæ in sceleribus traduxit, qui toties rediit ut canis ad vomitum, ut sus lota ad votalubrum luti, qui speravit in incerto divitiarum, cui Deus venter erat, qui pauperem & pupillum devorabat, &c.

VII. JESUS à Pilato manus lavante, & à populo sanguinem Christi super se & filios assumente, damnatus est mortis sententiâ.

Lavabit etiam JESUS Judex manus suas in sanguine omnis peccatoris: & sanguinem cujusque

*Matt. 25. 12.* dabit super caput ejus, & dicet: *Nescio vos,*

*Luc. 13. 27.* *discedite à me operarii iniquitatis maledicti in ignem*

*Matth. 25. 41.* *eternum, qui paratus est diabolo & Angelis ejus.*

Succlamantibus inter hæc creaturis omnibus: *Tolle, tolle, crucifige, crucifige, sanguis ejus super caput*



caput ejus, tollatur impius ut non videat faciem Dei.

VIII. JESUS felle & aceto potatus est, atque onustus cruce locum mortis petiit.

Tunc etiam peccatoribus omnia in fel amaritudinis, & in obligationem iniquitatis commutabuntur, ipse etiam Deus, ipse Christi sanguis, ipsa Misericordia, Bonitas, & Charitas: tunc portabunt omnes improperium damnationis aeternae. Tunc aperiet terra os suum, & deglutiet eos infernus vivos; & descendent in infernum sicut plumbum aut lapis, unus ex eis non remanebit, & ascendet fumus tormentorum eorum in saecula saeculorum.

IX. JESUS clavis Crucis affixus est.

Consignentur etiam & affigentur impii omnes in carne & anima clavis aeternae damnationis, & sententiae abjectionisque immutabilis, & ibunt in combustionem aeternam, cujus non erit finis, nisi quando Deus, qui semper est Deus, desinet esse Deus.

X. JESUS ab omni genere hostium illusus & blasphematus est in Cruce pendens.

Et peccatori omnis creaturarum populus, omnis natio electorum, omnis turba damnatorum, daemorum, improperabit, & illudet, quoniam noluit benedictionem & elongabitur ab eo, *Ps. 108. 16.* elegit maledictionem & veniet ei, & implebitur ab ea.

XI. JESUS se à Deo derelictum clamavit.

Clamabit & omnis, peccator quod olim Cain dixit Deo, *Ecce ejicis me à facie tua*: clamabit Deo. DEUS ut quid dereliquisti me? Deus autem respondebit: Dereliqui te quia dereliquisti me,

V. P. Druz. Op. VIII.

S

fon-

G: 2  
 Bil  
 per:  
 Tom  
 N:  
 5:



fontem aquæ vivæ, & fodisti tibi cisternam  
 patas, & ecce relinquetur tibi domus  
 ta in æternum. Clamabunt insuper etiam  
 nes, Deus dereliquit eum. Euge Euge  
 mus eum;

XII. JESUS in Cruce clamavit  
 potatus est.

Reprobi quoque omnes inflammati  
 & igne saliti, cum epulone illogutram  
 tent, propter cruciatum flammatum,  
 men obtinebunt in æternum.

XIII. JESUS, in Cruce dixit  
 est.

Peccatores damnati & in infernum  
 ti, inque æternam combustionem  
 speratis vocibus dicent, consummatur  
 in inferno nulla redemptio. Confite  
 peccator, & consummetur, & desce  
 fernum vivus, & claudetur puteus  
 vem autem clausuræ ejus accipiet De  
 netque illam in æternitate & immen  
 vionis, ut nunquam memoretur  
 plius.

XIV. JESUS inclinatò capite tradit  
 tum.

Peccatores miseri, dejectis & obli  
 bus, tradent corpora animasque suas  
 & Angelis ejus. Mors secunda, moram,  
 mors vivens depascet, & pascet eos,  
 terra oblivionis, inter illos, quorum  
 est memor amplius.

XV. JESU mortuo, petra scinduntur  
 pulchra aperiuntur, & velum templi



Homines percutientes pectora sua reverentur.

O Peccatores, ne sitis mortuis mortui magis, et petris duri magis, ne terra mole immobiles magis. Memores estote Judicii JESU: sic enim erit & vestrum: sed longè majore cum differentia, infinitè cum dispari exitu. JESUM enim post baptismum Passionis gloriâ & honore coronatum, in Cœlis Thronus ad dexteram Patris accubavit, at vobis induro & impœnitente corde seculis, supererit semper æterna damnatio, lamentatio, maledictio. Ita quod factum est in arido viridi, fiet longè miserabilius etiam in arido: sed ne fiat in arido factum est in viridi, si lignum aridum studuerit sese in vitam, & passionis imitatione conformare lignum viridi.

Sed libet hunc modum, ipsius Christi Judicis ad peccatorem verbis concludere, quibus eumloquentem facit Sanctus Augustinus.

[„ Quid faciet (peccator pœnitentiæ reus, media nunc negligens & contemnens) in illo, retuendo Judicii die, cum tremente mundo, Dominus præcinentibus Angelorum buccinis, in illo majestatis suæ throno circumdatus, caelestis militiæ luce confederit, ibique de terræ gregibus, & antiquo pulvere fuscitato humano genere, astante conscientiae testimonio singulorum, positus in conspectu peccatorum panis, castorum præmiis, rationem vitæ cæperit populari, & plus jam justus, quàm misericors, severitate Judicis, contemptæ misericordiae reos cæperit accusare, & dicere: Ego te homo de quo manibus meis feci, ego terrenis artubus in-

g: Druze:  
Bicki  
per: ascel:  
Tomus III  
N: V  
58

Serm. 181. de temp.



fudi Spiritum, ego tibi imaginem nostram similitudinemque conferre dignatus sum, ego te inter paradisi delicias collocavi; tu vitalia mandata contemnens, deceptorem sequi quàm Deum maluisti. Cùm expulsus de Paradiso, jure peccati, mortis vinculis tenereris virginalem uterum sine dispendio virginitatis pariendus introivi, in præsepio expositus, & pannis obvolutus jacui, infantia contumelias, humanosque dolores, quibus tibi similis fierem, ad hoc scilicet, ut te mihi similem facerem, pertuli: iridentium palmas, & sputa suscepi, acetum cum felle bibi, flagellis cæsus, verberibus coronatus, cruci affixus, vulnere perfoffus, ut tu eripereris morti, animam in tormentis dimisi. En clavorum vestigia, quibus affixus pependi, & perfoffum vulneribus latus; suscepi dolores tuos, ut tibi gloriam darem suscepi mortem, ut tu in æternum viveres. Conditus jacui in sepulchro, ut tu regnares in Cælo. Cur, quod pro te pertuli, perdidisti? Cur ingrata redemptionis tuæ munera renuntiasti? Non ego te de morte tua quæro? Redde mihi vitam tuam, pro qua meam dedi; redde mihi vitam tuam, quam vulneribus peccatorum indefinenter occidis. Cur habitaculum, quod mihi in te sacraveram, luxuriam sordibus polluisti? Cur corpus meum illecebrarum turpitudine maculasti? Cur me graviorum criminum tuorum cruce, quàm illa, in qua quondam pependeram, afflixisti? Gravior enim apud me peccatorum tuorum crux est, in qua invitum pendeo, quàm illa in quam tui misertus, mortem tuam occisurus, ascendi. Cùm essem impassibilis, pro te pati dignatus sum, sed tu despexit in homine Deum, in infirmo salutem, & quæ



post omnia mala tua, ad medicamenta pœnitentiae confugere noluit, ab auditu malo non mereberis liberari.

„Qui tunc erit stridor dentium, cum Sanctorum multitudine ad dexteram Regis, & ad gloriam segregatâ peccati populus, in profundo tartari, sine ulla miserationis ac veniæ spe demersus, excludi se tenebris suis, à beata Sanctorum luce viderit, & in profundi sinum sine fine descendens, urgente os suum, puteo, æterna supplicia, & perpetuam mortem, non moriturus aspexerit? Hactenus ex Divo Augustino. „]

## MODUS L.

Quinquagesimus meditandi Passionem Dominicam modus esse potest ille, quem usurpasse traditur Divus Augustinus: quando nimirum constituens sese devotissimus Pater contemplatione, medium inter Christum Passum, & inter Matrem ejus sacratissimam, nunc huc, nunc illuc, sese affectu devoti & amantis cordis obversans, atque utrobique, immensam beatæ pietatis materiem cernens, quin & hauriens, animi veluti dubius devotissimè dicebat. Positus in medio, quòd me vertam nescio: hinc pascor à vulnere, hinc lactor ab ubere.

I. Adhunc enim modum, lucebit cuique Passi Jesu, ejusque Matris Mariæ amatori, sese medium amborum cum reverentia & pietate, corpore simul animoque statuere, atque alternante devotionis æstu, nunc ad Jesum passionibus vulneribusque cumulatam, nunc ad Matrem

S 3

ejus-

*In Chron. & in vita D. Augustini scripta per Cornel. Lancell. l. 3. c. 3. Et apud Valdenses in teatro Rel. fol. 123. & 358.*